



Broj: 02/06-04-019051-7/23  
Tuzla, 15.12.2023. godine

Na osnovu člana 70. stav 1) Zakona o javnim nabavkama („Sl. glasnik BiH“, br. 39/14 i 59/22), sekretar Ureda za zajedničke poslove kantonalnih organa, donosi:

### **ODLUKU o izboru najpovoljnijeg ponuđača**

#### **Član 1.**

Prihvata se preporuka Komisije za javnu nabavku iz Zapisnika o ocjeni ponuda broj: 02/06-04-019051-6/23 od 14.12.2023. godine u postupku javne nabavke usluga periodičnog pregleda i kontrolnog ispitivanja PP-aparata i nabavka i isporuka opreme, da se sa ponuđačem „**Monsun**“ d.o.o. Lukavac, ponuda broj: 1217/23 od 05.12.2023. godine zaključi okvirni sporazum za ponuđenu cijenu **157.686,53 KM (bez PDV-a)** nakon održane e-aukcije.

#### **Član 2.**

Okvirni sporazum će se dostaviti na potpis izabranom ponuđaču po proteku roka od 15 dana, računajući od dana od kada svi ponuđači budu obaviješteni o izboru.  
Okvirni sporazum se zaključuje na period od 24 mjeseca.

#### **Član 3.**

Ova odluka stupa na snagu danom donošenja.

### **Obrazloženje**

Postupak javne nabavke pokrenut je Odlukom o pokretanju postupka nabavke broj: 02/06-04-019051/23 od 16.10.2023. godine.

Javna nabavka je provedena putem otvorenog postupka. Izbor ponuđača izvršen je na osnovu kriterija najniža cijena u kojem postupku je bilo predviđeno provođenje e-aukcije.

Procijenjena vrijednost javne nabavke bila je 337.055,00 KM (bez PDV-a). Obavještenje o nabavci broj: 1116-1-2-47-3-58/23 objavljeno je na Portalu javnih nabavki 23.10.2023. godine.

Komisija za javnu nabavku imenovana Rješenjem o imenovanju Komisije za javnu nabavku broj: 02/06-30-015631/23 od 11.05.2023. godine izvršila je otvaranje ponuda dana 08.12.2023. godine.

Nakon izvršenog vrednovanja ponuda i održane e-aukcije, Komisija je ugovornom organu dostavila Zapisnik o ocjeni ponuda broj: 02/06-04-019051-6/23 od 14.12.2023. godine, koji ujedno predstavlja preporuku i izvještaj o radu, u postupku predmetne javne nabavke.

Prilikom vrednovanja pristiglih ponuda, Komisija je ustanovila računsku grešku u sljedećim obrascima i to: Obrazac za ponudu Anex II, Obrascu za cijenu ponude Anex III, kao i u Anexu VII, ponuđača „Multi Lab“ d.o.o. Tuzla. Na stranici 5. ponude Obrasca ponude Anex II iznosi napisani za stavku cijena naše ponude je i ukupna cijena naše ponude, sa uključenim popustom umjesto iznosa brojem upisanog 333.641,40 isti trebao da glasi na iznos brojem 333.661,40 KM.

U obrascu za cijenu ponude Anex III konstatovano je neslaganje iznosa upisanog broja za stavku UKUPNA CIJENA BEZ PDV-a u iznosu od 333.661,40 i UKUPNA CIJENA BEZ PDV-A SA POPUSTOM, gdje je upisan broj 333.641,40. Također na strani ponude 12., ANEXA VII, u članu 3. iznos napisan za stavku ukupna vrijednost ponude okvirnog sporazuma iskazana je u vrijednosti 333.641,40, a trebao je iznositi 333.661,40. Uzimajući u obzir da popust u Obrascu za cijenu ponude ponuđača „Multi Lab“ d.o.o. Tuzla nije ponuđen, iznos u vrijednosti od 333.641,40 KM je utvrđen kao neispravan, zbog čega je Komisija navedenom ponuđaču uputila Zahtjev za prihvatanje računске greške broj: 02/06-04-019051-5/23 od 08.12.2023. godine. Ponuđač „Multi Lab“ d.o.o. Tuzla je Odgovorom na Zahtjev za prihvatanje ispravki greške broj: 113/23 od 08.12.2023. godine prihvatio i odobrio predložene ispravke.

Evaluacijom ponuda, konstatovano je da su sve ponude kvalifikovane, te je sačinjena rang lista ponuđača kako slijedi:

Redni broj	Naziv ponuđača	Ukupna cijena sa popustom bez PDV-a (KM)
1	Grupa ponuđača: INSTITUT ZA ZAŠTITU, EKOLOGIJU I OBRAZOVANJE d.o.o. i Vatrozaštita d.o.o. Živinice	313.472,50
2	MULTI LAB d.o.o. Tuzla	333.661,40
3	MONSUN d.o.o. Lukavac	336.775,00
4	PROINSPEKT d.o.o. za sigurnost i konsalting Tuzla	336.945,70
5	TQM d.o.o. Lukavac	337.054,55

Obzirom da je održavanje e-aukcije bilo predviđeno tenderskom dokumentacijom, Komisija je zakazala e-aukciju za održavanje iste dana 13.12.2023. godine u 14:00 sati. Nakon okončanja e-aukcije, na portalu javnih nabavki [www.ejn.gov.ba](http://www.ejn.gov.ba) je kreiran Izvještaj o toku i završetku e-aukcije. U Izvještaju je kreirana konačna rang lista ponuđača koji su učestvovali na e-aukciji, prema kriteriju najniže ponuđene cijene kako slijedi:

	Naziv / ime ponuđača	Ukupna cijena u KM (bez PDV-a) sa umanjem cijene na e-aukciji
1.	MONSUN d.o.o. Lukavac	157.686,53
2.	PROINSPEKT d.o.o. za sigurnost i konsalting Tuzla	158.000,00
3.	Grupa ponuđača: INSTITUT ZA ZAŠTITU, EKOLOGIJU I OBRAZOVANJE d.o.o. i Vatrozaštita d.o.o. Živinice	251.500,00

4.	MULTI LAB d.o.o. Tuzla	333.661,40
5.	TQM d.o.o. Lukavac	337.054,55

Komisija za zajedničke javne nabavke je dala preporuku da se okvirni sporazum za nabavku i isporuku usluga periodičnog pregleda i kontrolnog ispitivanja PP-aparata i nabavka i isporuka opreme zaključi sa ponuđačem „Monsun“ d.o.o. Lukavac, ponuda broj: 1217/23 od 05.12.2023. godine za ponuđenu cijenu 157.686,53 KM (bez PDV-a) nakon održane e-aukcije.

Ugovorni organ nije našao razloge, nepravilnosti niti propuste u radu koji bi eventualno bili osnov za neprihvatanje preporuke Komisije za javne nabavke. Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i tenderskom dokumentacijom.

Ugovorni organ će izvršiti dodjelu okvirnog sporazuma ponuđaču „Monsun“ d.o.o. Lukavac čija ponuda je ocijenjena kao najpovoljnija sa datom ponudom nakon e-aukcije u skladu sa kriterijem za dodjelu ugovora – najniža cijena, te je odlučeno kao u članu 1. dispozitiva ove Odluke.

#### **POUKA O PRAVNOM LIJEKU:**

Protiv ove Odluke može se izjaviti žalba ugovornom organu, najkasnije u roku od 10 (deset) dana od dana prijema ove Odluke. Žalba se podnosi u pisanoj formi direktno ili preporučenom poštanskom pošiljkom i to u najmanje tri primjerka.



**SEKRETAR**

*Zdenka Marijanović*  
Zdenka Marijanović, dipl. pravnik

Dostaviti:

- Grupa ponuđača: INSTITUT ZA ZAŠTITU, EKOLOGIJU I OBRAZOVANJE d.o.o. i Vatrozaštita d.o.o. Živinice
- MULTI LAB d.o.o. Tuzla
- MONSUN d.o.o. Lukavac
- PROINSPEKT d.o.o. za sigurnost i konsalting Tuzla
- TQM d.o.o. Lukavac
- a/a